

# CUMÜN DA SCUOL



## Reglamaint per la cumischiun da giuvenils (CUGI)



## **Che es la CUGI (cumischiun da giuvenils) / e che sun sias lezchas**

La promoziun d'uffants e da giuvenils (dimena lavur cun giuvenils fin la fin da la scoula obligatorica) vain guidada strategicamaing dad üna nouva **cumischiun promoziun d'uffants e da giuvenils**. Il presidi da quista cumischiun vain surtut da la suprastanta o dal suprastant respunsabel pel dicasteri: scoulas, fats socials e sandà. In quella cumischiun sun rapreschantats ulteriuras organisaziuns, genituors ed eir giuvenils. **A quista cumischiun vegnan surdattas las seguaintas incumbenzas:** direcziun strategica, definir e controllar ils böts annuals, direcziun da las assistentas e dals assistents da giuvenils, preparar il preventiv, elavurar la descripziun da las plazzas/il quadern da dovairs, cussagliaziun da las autoritats cumünalas in connex cun dumondas specificas pels giuvenils. I's vezza ch'üna CUGI vain racumandada per la lavur cun giuvenils Scuol.

## **Reglamaint per la cumischiun d'uffants e da giuvenils**

### **Quadern da dovairs e profil da pretaisas da la cumischiun da giuvenils (CUGI)**

#### **Art. 1 Chomp da lavur**

1. La cumischiun da giuvenils (CUGI) cussaglia a la suprastanza in dumondas da la politica dals giuvenils, integrescha ils giavüschs e problems dals giuvenils e pissera pels sclerimaints lapro.
2. La cumischiun formulescha ils böts da la legislatura i'l sector dals giuvenils in cunvegna cullas autoritats e cun l'administraziun. Directivas per la politica dals giuvenils servan sco orientaziun e vegnan examinadas almain mincha quatter ons.
3. La cumischiun s'occupa da las tendenzas chi's müdan sül sector dals giuvenils.
4. La CUGI promouva la collavuraziun da las instanzas e persunas chi s'ingaschan a favur dals giuvenils e/o chi praistan lavur da giuvenils.

5. La CUGI examinescha masüras e progets da planisaziun d'oters secturs i'l context dals giuvenils e piglia posiziun per mans da la suprastanza cumünala.
6. La CUGI as sfadia da sensibilisar il public per dumondas dals giuvenils. Per quai po'la tour masüras (per ex. metter a disposiziun material d'infuormaziun, organisar discussiuns da podium ...).
7. La CUGI sustegna a l'assitenta da giuvenils (il team lavur cun giuvenils) pro seis dovairs pro progets concrets.
8. **Cumpetenzas:** La CUGI ha il dret da far propostas a la suprastanza cumünala.
9. La CUGI s'infuormescha davart ils bsögns dals giuvenils e da la lavur cun giuvenils (passatemp, relaziun cun prodots stimulants, prevenziun etc.). Ella s'occupa da las dumondas da valor.
10. La CUGI surpiglia la direcziun strategica da la lavur cun giuvenils e prepara il preventiv da la lavur cun giuvenils.
11. La CUGI definischa ils böts annuals da la lavur cun giuvenils.

## **Art. 2 Chomp da lavur**

1. La CUGI vain presidiada da la suprastanta o dal suprastant respunsabel pel dicasteri: scoulas, fats socials e sandà.

## **Art. 3 Cumposiziun**

1. La CUGI consista da persunas chi vöglian s'ingaschar specialmaing per la promoziun e pel sustegn dals uffants e dals giuvenils i'l cumün da Scuol. La CUGI consista da maximalmaing 7 commembras/commem-bers. La CUGI es ün organ consultativ da la suprastanza cumünala. L'elecziun vegn fatta da la suprastanza cumünala.
2. Decisiuns da la CUGI vegnan rapreschantadas sco decisiuns d'üna autorità collegiala. Ultra da quai vala il secret da cumischiun.

#### **Art. 4 Sezzüdas e temp impuondü**

1. La CUGI s'inscuntra tenor bsögn.
2. La commembra o il commember cumpetent da la suprastanza cumünala invida 7 dis avant la sezzüda da la cumischiun (in scrit) e comunichescha ils temas chi ston gnir trattats. La cumischiun es abla da decider, sch'almain la mità da las commembras e dals commembers sun preschaints a la sezzüda.
3. I vain fat ün protocol chi cuntegna almain da tuot las decisiuns. La CUGI rapporta almain üna jada l'on a la suprastanza cumünala davart sias activitats e davart il stadi dals progets.

#### **Art. 5 Entrada in vigur**

1. La suprastanza cumünala ha approvà quist reglamaint als 19 schner 2026. Quel aintra in vigur als 20 schner 2026.

#### **IN NOM DA LA SUPRATANZA CUMÜNALA**

Il capo:

L'actura:

Aita Zanetti

Karin Stecher